


二希堂緝齋文詩合編

崇禎題簽

PL
2727
S14
1785
v.7



緝齋詩稿卷首

恭和

御製協辦大學士尙書蔡新奏懇回籍修墓姑從其請
並諭毋庸開缺賜詩以寵其行元韻

日侍

彤庭頌

古稀

聖人恩許暫時違
觚稜回首終依

闕故里關心一叩扉
揆席特教虛左待

緝齋詩稿

卷首

一

經帷早擬刻期歸祇慙尺寸從無補夙夜惟寅尙庶
幾

恭和

御製協辦大學士尙書蔡新假滿還朝來避暑山莊請
安詩以賜之元韻

疊荷珍奇勝百朋自

天申錫樂尤應駑駘伏櫪年加長

義馭乘乾

德倍增恭捧

奎章榮湛露遙趨

瑣闥凜層冰

聖神盛美知無量欲頌

巍巍愧未能

恭和

御製大學士蔡新以年近八旬奏請解職情詞懇款彌
眷於懷因其耆齡遠涉姑允所請以原官致仕加太
子太師乘傳還里並製詩章以寵其行元韻

鰥生幸際

太平年厠職

綸扉秩屢遷此日推

恩方解組他時祝

嘏更瞻

天寒雲有意懸霄漢朽木何心卧石泉回首

陶唐勤政處階蓂溫樹尙依然

恭和

御製送原任大學士蔡新歸里元韻

戀棧滋慙賦日歸自憐暮齒念還依久綏樸學趨

清禁敢有遐心寄翠微詩禮承

一脈遠

君臣遇詫歷朝稀尙期祝

嘏隨颺拜廣受雖賢事却非

恭和

御製致仕大學士蔡新至閩謝恩信至詩賜之元韻

閩嶠歸程計幾千

賜閒真荷

主恩憐質如蒲柳

臣

先老功在康田

聖久肩

錫賚遠從

雙闕賁畫圖終愧二疏賢微誠正企華封祝獻

壽能來理固然

恭和

御製予告大學士蔡新來京祝壽詩賜之元韻

鴻鈞一氣開

仁壽祝

嘏臯趨會

闕前意切負暄堪莞爾髮餘垂領政皤然

宸居斗極欣同戴玉珮鵷行喜並聯重望

清光瞻

睿藻微忱願上九如篇

新刊詩和
卷前

新刊詩和

新刊詩和
卷前

新刊詩和
卷前

緝齋詩稿目錄

卷首

恭和

御賜詩元韻六首

卷一

念祖五十韻

秋日登石巖山

夏日途中雜詠二首

夜坐二首

舟行寄懷諸友

過仙霞嶺

落第後次余畏齋書懷原韻

出都門留別余畏齋

舟滯楊村寄懷余畏齋

宿遷阻雨

遣悶

姑蘇送朱桐野先歸聞

過嚴子陵釣臺

舟中月夜懷亦飛弟兼憶霞洲諸友

山家

建溪舟行問季澄病

舟泊延平

送雷翠庭太史歸寧化

草堂被雨嘆

和江右諸友除夕舟次聯句原韻

題福祿壽圖

送座師邵學咫先生由少宰出撫江蘇四首

送季澄弟南歸用杜陵北征原韻

送叔玉伯南歸

初夏卽事

山居

生朝

送李鱗蒼表伯之山右六首

聞趙然乙迎太夫人就養京師攜諸子俱來代爲

喜慰併以自感

送座主都憲王書城夫子巡撫粵東六首

題畫六首

童節歌

送莊復齋吏部之楚分府

卷二

感興十首

戲和程春曇墮滿詩

冬夜感懷次黃靜山韻

恭和

御製消夏十詠元韻

送春二首次黃靜山韻

桃源行憶梁山舊遊

桃源懷古次黃靜山韻二首

依韻答黃靜山

和黃靜山比部冬日同諸執集劉侍御宅原韻

仲春同傅謹齋黃靜山雷翠庭鍾勵暇集劉蘭谷

侍御宅和翠庭韻

詠芭蕉

聖駕謁

陵禮成恭紀

五言排律三十韻

夏初同少尹傅謹齋侍御劉蘭谷陳體齋比部黃

靜山陶然亭讌集分韻得一字

冬日和陳體齋雅集原韻

立春日諸執雅集次劉蘭谷韻二首

早發德安取道匡廬二首

過瞻雲寺

舊名歸宗寺

宿秀峯寺

舊名開先寺

從秀峯過白鹿洞

宿白鹿洞

望五老峯

秋日山行有感

入都數日劉侍御蘭谷以詩見示喜而有作

秋日南苑陪

皇子出獵作長歌一首

古槐行

一畝泉

南苑道上

武殿

遇雨歸寓晚就秦味經同年小酌

秋日德壽寺讀味經哭子詩作此解之

過德壽寺菜圃二首

對月

送黃靜山出守京江

鄂虛亭前輩過訪德壽寺別後枉詩和韻

和太傅相國福龍翰夫子致仕原韻四首

題熊滌齋秋林讀易圖二絕

昌平道上

送座主閣學張桓臣夫子

予告歸里三首

恭和

御製元韻

傅謹齋期過園林阻雨不果賦此却寄

柬鄂虛亭乞書冊頁

和傅謹齋過訪西園原韻

和傅謹齋西園漫興二首

再和夜宿西園原韻

瀛臺賜宴用唐臣李嶠甘露殿侍宴詩分韻得烟字

恭和

御製瀛臺賜宴得詩四首元韻

送伯兄歸養三首

聞亦飛弟攜眷入都用杜少陵弟觀取妻子到江

陵喜寄三首原韻

送劉蘭谷監司臨洮

挽莊復齋監司五首

卷三

西園期趙然乙不至兼寄萬南泉侍御

偶憶清泉卽寄又夢和尙

宿善緣菴和鄂虛亭前輩原韻

晚宿博望驛懷裴蘊書

蘊書是日分途

雨

晴

移葵

鋤菊

對梧

聞蟬

嘗豆

新月

秋夜獨坐二首

庭前石榴樹

驟雨

渡河

陳橋道上

延津道上

君子村

蘧伯玉故里

過淇水

嵇侍中祠墓

謁比干墓

宜溝道上喜晴

謁韓魏公祠

漢函谷關

穀陵懷古

羊角山晚眺

召伯祠甘棠樹

回次礅石驛阻雪次日泥濘行四十里道上有作

三首

過新安將至洛陽

過伊闕登龍門寺三首

過香山寺三首

登望嵩樓和鄂中丞韻

次硤縣和鄂中丞韻

和鄂中丞登風穴宿白雲寺二首原韻

葉縣早行

昆陽懷古

方域冒雪二首

卧龍岡謁武侯祠五首

卽席詠臘梅

遊蘇門山

百泉

清輝閣

洗心亭

嘯臺

安樂窩

孫徵君祠

晚宿白泉書院

立春前一日出試院口占

鄆城宿楊氏別業次韻

春日汝南道上雜詠八首

道中遇雨二首

過光州南城

清明日光州道上

三月三日至陳州二首

詠瓶中紅白桃花

淮揚道上雜詠八首

謁微子墓

送珊樹三兄回閩應試卽用留別原韻五首

和趙星閣同門枉顧原韻二首

和趙星閣志別原韻卽用留行

和趙星閣再得句原韻

和趙星閣別後見寄原韻

過懷慶二首

天梁七夕立秋

登禹王臺

雨後望太行山

少林寺二首

卷四

祇迎

聖駕出汴城道上二首

董家堤早行

過淇縣二首

望漳河

寄別趙星閣同門四首

時星閣在孟津邑署

留別水部桑弢甫卽用送行原韻二首

留別鄂虛亭開府

除夕長新店同鄧虞揮夜話

雨中下直

卷四

諸葛菜

過汪上湖前輩卽用樓居原韻二首

十二月二十日新城道上口占五首

謁孟廟述夢

晚宿韓莊閘

徐州渡口

彭城懷古

逃夫行戲贈金海住宮贊

臨淮道上遇雪

次日雪中行四十里至定遠作二首

淮南道上四首

過淝水

雪中雜詠五首

雪中見流民憫而有作二首

北峽關騎行至桐城作

風雪中騎馬山行宮贊海住以詩見贈賦此戲荅

停前驛

同金海住晚渡潯陽江二首

發潯陽城

和海住將入國門原韻

和尚書劉延清前輩原韻二首

卷五

聖駕再巡 盛京重謁

祖陵恭紀八首

聖駕南巡恭紀十首

恭和

御製秋日奉

皇太后幸口外行圍啟蹕之作元韻

恭和

御製懷柔縣元韻

恭和

御製遙亭行宮對雨三首元韻

恭和

御製避暑山莊卽事元韻

恭和

御製固爾扎廟火用唐韓愈陸渾山火和皇甫湜韻並
效其體元韻

恭和

御製番劍行元韻

恭和

御製殘荷元韻

恭和

御製熱河啟蹕之作元韻

恭和

御製山店元韻

恭和

御製朝嵐元韻

恭和

御製都爾伯忒台吉伯什阿噶什來覲封爲親王詩以

紀事元韻

恭和

御製入崖口元韻

恭和

御製雨獵元韻

恭和

御製九月朔日元韻

恭和

御製霜元韻

恭和

御製行圍卽事元韻二首

恭和

御製晚月元韻

結齋詩

目金

恭和

御製箬漠鱗元韻

恭和

御製瓊廬元韻

恭和

御製行縈元韻

恭和

御製於興安作元韻

恭和

御製九月朔日作元韻

恭和

御製駐蹕與安綽羅斯台吉噶爾藏多爾濟等來謁詩
以紀事元韻

恭和

御製九日侍

皇太后宴並賜內外王公諸臣食卽席得句元韻

恭和

御製宴土爾扈特使臣元韻

恭和

御製山月元韻

恭和

御製雪元韻

恭和

御製允南省諸臣之請奉

皇太后再舉時巡詩以述意元韻

皇三子春林得句圖

卷六

恩子歸養恭紀十首

沂州遇少司馬觀補亭典試浙江承

皇五子寄詩相憶依韻奉答二首

水淺剝換小船

晚泊

舟行卽事

望嶽

遊棲霞寺十首

清涼山謁鄭一拂祠

祠東祀閩中
盡節諸先正

登翠微山遇雨

在清涼山頂

雞鳴寺望後湖有作

從清涼山過雞鳴寺二首

題畫和韻八首

溪行雜詠五首

御書賜母匾額恭紀

九日安陵舟中

直隸山東交界

儀徵渡江過金陵三首

越江舟行

過七里瀧

西歐晚泊

舟行卽事

阻霧

建溪舟子二首

將至延平晚泊

野燒

晚泊灘上

溪行卽事二首

系
題鄴山圖寄壽高密單漁莊夫子

冬日同諸執遊鄴山八首

卷七

重過鄴山喜晤黃巽亭山長二首

重過鄴山訪王隨孚不遇

七夕青雪亭小酌餞諸弟姪等秋闈應試用少陵
盤餐市遠無兼味爲韻分得味字

雜感四首

秋園晚眺分詠

中秋同張力如玩月有懷

力如名逢年洛陽諸生

飲酒

習射

陳月溪前輩邀同直諸公雅集和韻二首

月餅十六韻

豇豆十六韻

恭和

御製荷珠元韻

和汪上湖池蓮元韻

揖齋詩高

目錄

六

暮霞

立秋後苦熱

新秋翫月

聞蟬

春入燒痕青

花枝妨帽小園春

奉和

皇四子寄懷元韻

再和元韻

過公上姪霞莊口占六首

庚寅春仲招諸同事小集絢春園以誰家夢去河
杯寬爲韻賦成長句

奉題

皇六子宴坐圖

答阿雨齋副憲二首步韻

題鄭耘門曾大父 賜研

和姚雪門園池爲積草所蔓命工芟之元韻二首
祝曹地山大宗伯同年壽

題倪穉疇七芳圖

題雲岩公相晏坐圖

題月田侍郎聽泉圖

乚仙山水圖卷題句

中盤五松圖長句

紹美四弟七十壽

讀史藝語十五首

卷八

賦得首夏猶清和

五言八韻

賦得郊原浮麥氣

五言八韻

賦得文教日精華

五言八韻

賦得野舍時雨潤

五言八韻

賦得荷喧雨到時

五言八韻

賦得誦詩聞國政

五言八韻

賦得風泉清道心

五言六韻

賦得詩書至道該

五言八韻

賦得捲簾涼暗度

五言八韻

賦得上林晴雪

五言八韻

賦得乾行萬物觀

五言八韻

賦得清露點荷珠

五言八韻

賦得中得天地心

五言八韻

賦得更達四門聰

五言八韻

賦得月彩靜高深

五言八韻

賦得玉韞山含輝

五言八韻

賦得修竹引薰風

賦得梅雨灑芳田

五言八韻

賦得夏雲多奇峯

五言八韻

賦得石室牙籤照古今 七言十二韻

賦得夏雨生衆絲 五言八韻

賦得所樂在人和 五言八韻

賦得敦俗勸耕桑 五言八韻

賦得月印萬川圓 五言八韻

賦得時雨應天行 五言八韻

賦得荷氣上薰風 五言八韻

賦得紅藥當堦翻 七言十二韻得翻字

賦得千章夏木清 七言八韻得清字

賦得夏雲多奇峯

七言十二韻得峯字

賦得爲有源頭活水來

七言八韻

賦得人立藕花風

五言八韻

賦得露濕荷裳已報秋

七言律限韻

賦得蟋蟀俟秋吟

五言八韻

賦得槐杪清蟬烟雨餘

七言律限韻

賦得清冷侵肌水殿風

七言律限韻

賦得碧天無際雁行高

七言律限韻

賦得萬戶擣衣聲

七言律限韻

賦得千家山郭靜朝暉

七言律限韻

賦得鷺立蘆花秋水明

七言律限韻

賦得秋水長天一色

七言律限韻

賦得晨烟半濕低平野

七言律限韻

糸及言禾

上金

三

續齋詩稿卷一

漳浦蔡 新葛山

念祖五十韻

憶昔承提命音容早杳然追隨猶昨日永訣已終天旣
痛幽明隔尋驚歲月遷撫膺頻跼蹐揮淚轉沉綿豈弟
思貽厥溫恭自性焉甘飴堂上具羞澁杖頭錢冬暖惟
單袷晝長僅一簍炎荒叢棘莽邊徼滿戈鋌窮巷絕嗁
犬深林泣杜鵑行間旗閃閃陌外草芊芊果腹尋山橘
充飢啜澗泉亂離常況瘁貧困更迍邐

時海氛未靖寇盜充塞公避亂

更年山剝復隨開濟安危在轉旋

王師搜兩島大將下三川萬姓瞻雲日諸生理誦絃飄

颿新牖戶探討舊詩篇驚鳥初揚翮驊駟甫著鞭既平

再理舊業遂羽毛看潤澤霄漢欲聯翩豈悟劉蕡策誰

知李廣賢風塵埋棘院雨露育芝田自是屢困棘原憲

貧逾甚管寧節更堅分宵窮與肯繼晷檢陳編劉閣藜

常照董帷榻盡穿不疲談亶亶無倦筇便便時館廣坑與生徒連

宵講貫樂碩德遺名久明經夙聞宣潔修伴玉雪芳譽

佩蘭荃弟子欽儀範賢侯布几筵八年司講肄一邑受

陶甄應汪令君聘主義學師席八年藹藹春風被循循化雨溍梁峯開

別業梓里衍宗傳老年設教梁麓恬淡懷儒素深潛覓道淵之

詞歸正諦理解尚真詮療病常鋤菊惜陰勤運甄榮名

憑轉燭厚利絕垂涎

聖代隆恩遇儒臣慶彙連藍溪宜木鐸紫帽擁書氈雍正

三年司鐸安溪教授來胡瑗廣文笑鄭虔慙歉培杞梓踟躕對

宮懸伊洛源流徹河汾事業全何曾知冷署時自染華

箋直舍槐榆滿堦除桃李妍卧病親藥餌立雪侍丹鉛

次年得病諸生輪流侍疾其奈歸思迫爭如別緒牽執經羣濟濟分

袂涕漣漣

告病回籍諸生送四十里揮淚而別

存沒一朝恨馨香百世緣

秉彝仲杕杜銘德重瑤璇

安溪紳士共請崇祀名宦

誕降庚寅歲考

終丙午年淒涼歸隴岫嗚咽撫栝櫟揚顯應鏤骨繼繩
孰仔肩聿修惟克念努力在承先

秋日登石巖山

林颺振清籟秋色紛葱蒨跼步陟欽崙層巒依路轉叢
薄垂巨石攀蘿互登踐紆迴一徑通倏忽川原變列嶂
插雲端飛瀑如奔箭木杪見行人曠矚心目眩俯瞰萬
家宇村墟半隱見晨烟綠樹中平疇錯如線幽篁布森

陰山花發新絢仙蹤傳石室洞壑逗餘晷虛涼石上生
耦坐遂忘倦最上有高峯一眺神州徧

夏日途中雜咏二首

忙中自是偷閒日執熱何非避暑方靜數往來行道者
紛紛名利兩康莊

長途古樹拂雲低綠滿平津水滿畦最是天機多活潑
閒看飛鴈浴沙堤

夜坐二首

晚看山翠映沙洲碧沼澄潭南斗浮雲任卷舒月自朗

山隨斷續水長流

涼生石上散餘暉
謾謾松風坐翠微
樹杪遙臨星影動
醉時猶帶月明歸

舟行寄懷諸友

九月風初緊危帆繫遠舟
菊黃憐舊圃渚碧見新洲
獨鶴沙邊宿雙魚水上浮
故人應夜會話我別經秋

過仙霞嶺

律岸高無極登臨一著先
踏雲還貼地捧日欲擎天
鴈字排空際烟花壓海邊
平原聊曠覽濟世燭名賢

落第後次余畏齋書懷原韻

家在南山安樂窩手中黃卷獨編摩
吹竽溫奏齊庭技彈鋏羞同俠客歌
世事未諳瞻象緯宦心難定驗風波
銜盃肯作無聊態鄉路春雲薄似羅

出都門留別余畏齋

草綠金門外春歸潞浦邊
那堪離別意對此豔陽天
細雨留行色微風惜暮烟
聞鄉縈遠思遮莫礙征鞭

舟滯楊村寄懷余畏齋

我行經旬日未及百餘里
豈不速歸舟清沙礙淺水
屏

翳當怒號狂風還四起陰霾激紗牕崩剝摧涯汴懷哉
素心人長安日邊是獨坐對幽軒楊花亂如此遙睇鴈
南飛空庭獨徙倚

宿遷阻雨

萬里征帆一水隈客途況是雨相催雲封驛路關門鎖
浪捲漁舟野渡開舊楫曾經波底折故園頻向夢中來
高空那得安翔鳥幾度聞南去復迴

遣悶

客夜偏宜睡三時一旅身慈顏頻繫念羈況自傷神月

清沙爲碧風多水亦塵夢中誰與語盡是故園人

姑蘇送朱桐野先歸閩

南北關津萬里浮吳門草色欲迎秋那堪旅舍思歸客
恰值中途送別愁仙嶺嵯峨通鳥道劍潭清駛泊漁舟
知君早向高堂祝南望雲山急掉頭

過嚴子陵釣臺

何處清風歷翠微高賢遺址隱山扉雲迷古樹雙崖石
影倒寒潭一釣磯自有文人褰逸藻非關華表駐餘暉
夕陽返照人烟靜漸把汙塵輕拂衣

舟中月夜懷亦飛弟兼憶霞洲諸友

長江秋水如橫練，疎星碧月遙相見。
人生聚散誰得知，骨肉恩情原共貫。
昔我來時歲正秋，只今搖落秋將半。
長安射策氣何雄，鼓瑟齊門神鬼變。
豈知白日哭窮途，彈鋏歸來塵撲面。
吾家年少爭紛紛，下筆由來爾出羣。
載酒登高共作賦，禪房對榻細論文。
天下相知惟子由，天下英雄獨使君。
別來已作長年隔，几上新詩應滿席。
風濤未靜水猶飀，世路撫膺增踖躅。
直教筆底怒生花，忍令驂騑頓減色。
昨夜清波綠樹間，一溪明月印前山。

前山明月何所有
聲聲啼鳥還求友
應懸此月照閩南
冷浸故鄉花下酒
人生聚散杳無極
秋月秋風長相憶
欲知相憶幾時逢
黃花開時數晨夕

山家

石澗紆迴徑路斜
薜蘿深處兩三家
黃收早熟山田稻
青摘荒籬落蒂瓜
舊葺茅簷還待補
新開濁醞未須賒
晚來一飽無餘事
好把犁鋤剝笋芽

建溪舟行問季澄弟病

雲暗溪聲急
秋深木葉疎
烟嵐藏石罅
瘴氣襲人虛
乍

雨新寒迫紆流理棹徐山風欺病骨知汝復何如

舟泊延平

翠閣依山側孤城背北岑水分三澗曲劍落一潭深已
覺秋風爽應知夏日陰停舟看不盡城市亦山林

送雷翠庭太史歸寧化

亂蘿疊嶂西北迴中厯翠華頂上開扶輿磅礴多靈異
孕毓英秀光胚胎先生自是間氣鍾弱冠聲蜚黌序中
茫茫大道沒榛蕪空谷不聞足音跼榕村學的在梁麓
先生負笈來鰲峯自從此後常往復漳水梁山共洄溯

余時少小昧師資訓詁徒然在家塾二曜迴環春
年華幾度空沉浮昔歲驅車上京國敝裘黧面誰見收
先生一見傾肝膈連床對榻數晨夕言言刺我入膏肓
一時點頭類頑石獎訓士類過林宗太學生徒盡悅懌
彤廷對策冠羣英史館輝煌聲烜赫非關學古有殊榮
實爲南來培道脉道脉千鈞一髮延五峯弟子重鑽研
因歸省覲頻探討後生應自踵前賢憐余兄弟空守拙
重來訪舊慰飢渴胸中鄙吝應自消眼底朦朧金篦刮
幾宵燈檠暫相依五夜霜鐘又催別索我長歌贈遠行

短筆難將深意揭先生行矣歸故鄉梅花猶帶嶺頭雪
且向堂前舞斑衣更與諸生勤講說直待春風拂

皇路脂車迴首長安顧

御溝新柳正依依黼黻大猷本儒素

草堂被雨歎

昔我欲構一草堂友朋嘲我何匆皇不如將錢買薪米
家無饑餒足稻粱吁嗟人生寧可朝夕少一餐不可竟
無讀書房五金買榱桷三金構垣牆經營十日未云瘁
隱隱林間見位置誰知瓦甃又難賒風雨瀟瀟懸溜漬

昨夜驚風動地來，崩沙走石蛟龍怒。須臾屋瓦已全飛，
傾倒天河灑雲霧。平明躡屐到堦庭，滿庭水潦積深汙。
鄰家小兒不知愁，就中隔水養魚鮒。見我遠來走且僵，
呼之不肯一迴顧。怒嗔欲發發不得，徘徊躑躅空堂側。
紅茵綠草盤鬬芽，夏蚓秋蟲相啾唧。惱我無言歸獨坐，
開卷欲吟氣還塞。君不見臨邛酒肆困相如，當鑪猶能
賦子虛。又不見寂寂楊子宅，閉門日著書。我悔不從友
朋先事諫，至今徒抱抑塞之歎歔。

和江右諸友除夕舟次聯句原韻

何意文星聚中流玩物華韶陽應匝地風雅屬誰家薄
霧浮江渚清波盪客艎天光搖岸濕人影對帆斜春思
夢花筆秋塲落蒂瓜彌明章欲就師服句仍賒藥石資
圭角鉛刀愧鏌鋦高堂饒白髮短帽待烏紗擬就穿楊
手能辭舞鐵搥金樽寒瑪瑙銀甲喚琵琶乘醉吞丹篆
回風吐麗葩

和溝春正好企待草黃麻

題福祿壽圖

彼頤而碩洵美且淑委委佗佗受茲介福誰其似之

多朱服雅雅魚魚荷天百祿何以申之俾爾黃耆爾熾
爾昌貽爾眉壽山有長松白石齒齒愷悌君子遐不繁
祉惟此繁祉降之自天匪降自天德音孔宣

送座主邵學咫先生由少宰出撫江蘇四首

吳江苗黍正資郇

寵命初膺出近臣儒服雍容辭

講席高牙照耀度關津雪花護道輕陰足膏雨隨車惠
澤勻爲布

恩波行海國百花洲畔繞征輪

藻鑑高懸白玉壺滿城桃李溢三吳文章自昔歸宗匠
勲業於今屬鉅儒何處馬前譁永叔肯教江左羨夷吾
軍門幕府嚴霜靜坐聽書聲徹九衢

持衡簡要又清通甄拔由來秉至公宋選三班歸左右
唐銓二職典中東宣徽擬備瓊林祖安撫還刊碎葉功
久侍

楓宸知

帝德此行專爲代天工

領袖詞臣到玉堂齒牙餘論亦清香吾徒欲向春風坐

夫子遙分南極光
纔得潯公非白髮
愛從召伯及甘棠
聽歌采菽來

朝日咫尺龍門沙路長

送季澄弟南歸用杜陵北征原韻

涼飈動客旌
時和日亦吉
行色何匆匆
之子未有室
昔來屈夏初
今去冬之日
吾家累簪紳
衡門猶蓬華
本從孝弟生
華向詩書出
念祖懷聿修
周旋奉無失
藹藹復雍雍
洞洞更勿勿
小宛之四章
中懷何剴切
矧茲將遠行
離情頓恍惚
別子聊贈言
刺刺語難畢
迂談舊日事

拙若膠柱瑟昔人亦有言引錐慙股血少年負奇氣胸
中豈磨滅直欲摩青蒼未須營狡窟此行望閩山江水
渺浩涵風雪日相侵征裘紉破裂行宜鑒前車道惟循
往轍程途萬里餘琴書足怡悅好友競投桃徵事如疏
栗願言交有功無妄投膠漆口最戒浮華躬常踐厥實
知愚卽爲賢欲巧仍取拙人欲淼波濤世情戒汨沒血
氣未方剛尤宜慎毫末舍陸旣登舟寒風穿洞穴河漸
已成冰悚然徹毛骨紆棹入桐溪何事愁倉卒官舍再
踟躕依然舊風物猶子入門笑季父未華髮登堂問

否稍紓中懷結呼厨炙巵盤杯酒共歡咽懷安實敗名
莫辭冒霜雪仙嶺鬱嵯峨晨興裹殘襪途多故鄉人取
次頻促膝回首長安道此肱已三折裘雖敝黑貂衣尙
存袒褐臘盡到家園梅花暎寒日南地漸和煦從此辭
懷慄入門共嬰娛弟妹各成列向前致慇懃慰子長沐
櫛射策蹶霜蹄此事且暫抹親朋相握手爲我道契濶
各言長相思真如飢與渴男兒生世間當頭一棒喝念
昔承先訓善言日薰聒老成忽已凋古道少人說予踵
諸兄後學道昧始卒惟子獨崢嶸胸次欣朗豁渾如未

雕璞健如出籠鵲羽毛候豐滿雲路看馳突聖賢與途
人在自求其匹進學貴深潛去私賴果決宴安誠美醜
頻復亦錮疾志可一介基勇豈三軍奪更願諸弟兄翩
翩如茅拔先澤幸未湮中夜懷明發將使累世功千秋
勒碑碣天道好循環春生與秋殺高岸翻爲谷晷日復
虧月漳江舊門第不數中斷絕所恃在淵源學與浮華
別起化貴刑于宜家多周折懷彼田氏荆能鑒殷有妣
教婦當初來慎毋忘曩哲況我本家傳古誼今猶烈善
積憂斯餘源頭水正活以余葑菲材承

恩入

禁闥久違慈母顏甘旨事多闕子當不我忘寄語箴吾
缺努力各勉旃希蹤古先達

送叔玉伯南歸

將種儒門世澤多胸羅書史手干戈當年不數恩三接
此日猶疑綬五紵我見據鞍來馬援人傳遺矢去廉頗
昔時髀肉曾消盡好向閒吟安樂窩

初夏卽事

石磴紆迴勞屐履茅簷蒼蒨帶烟霞蜂屯冷院潛垂柳

鴈落虛塘卧淺沙
恰喜鐘聲來古寺
還將酒力解新茶
山嵐冪冪籠溪谷
麥浪油油洗稻芽

山居

半畝茅齋下閒情
靜處忘花茵
鋪軟砌竹瓦
蓋方塘
午後遲眠熟溪頭
叫渡忙窮通
閒莫管衣帽染斜陽

生朝

客瓜渚官舍

今年三十三
明年三十四
遊宦入京華
遲遲尙旅次
官舍有親朋
奚僮亦曉事
早起逢賤辰
禮文更周至
堂上列高檠
庖人供大馘
肴羞羅滿前
洗爵還揚觶
更有稱

詞壽以南山譬那知白雲心中夜常不寐忍將
晨狼藉一酣醉母也天一方藜藿不能備北地旣苦
路遠常莫致晨夕賴伯兄黽勉供甘膩所以博一官亦
爲親所使祿養愧未充榮名徒爲累珍重古人書承歡
在養志

送李鱗蒼表伯之山右六首

輪蹄日日輾神京冠佩朝朝入禁城忍使不羈名下士
南來馬首又西征

自着青衫四十年每將弧矢掛征鞭卽今猶似壯遊日

燕市聞雞未穩眠

彩筆曾傳夢裏花
錦囊佳句帶烟霞
此行況得江山助
不數秋塲落蒂瓜

不愁彈鋏出無車
枉自悲歌弔望諸
我愛素書煩記取
君過綿上漫躊躇

楊花歷亂牽行色
梅雨霏微濕旅途
幾見據鞍遺馬援
未須歧路泣楊朱

雲翼垂天老更成
寧知蚓竅與蠅聲
壯心猶繫金門樹

秋月風高試一鳴

聞趙然乙迎太夫人就養京師攜諸子俱來爲
喜慰併以自感

一江春水自遲遲流入京華慰別離早是

君恩圖報日恰如鄉夢喚醒時朝回視膳臣兼子夜靜
分經父是師我亦有親嗟路遠妻兒難解白雲思

送座主都憲王書城夫子巡撫粵東六首

九重銜鳳下新綸特爲巖疆遣重臣東壁霜風辭白簡
中達畫戟擁朱輪隨車禾黍高低潤夾道枕椰次第春
可但天南誇鎖鑰由來正色重簪紳

諫垣領袖肅臺箴

寵命還將節鉞臨一自喬遷鶯出谷幾多子和鶴鳴陰
高岡威鳳傳儀羽邊徼飛鴻迓德音

聖主應寬南顧慮和風甘雨五絃琴

藻鑑曾懸白玉壺持衡到處每咨諏文風誰似雙旌石
宦海何如合浦珠鹽鐵關情存碩畫農桑入告卽嘉謨
欣看棨戟重臨地猶是皇華舊載途

聞道當年粵海濱黃龍青雀艦迷津市通貝闕朱門侈
吏酌貪泉白屋貧島上紅芍皆赤子田間黔首盡蒸民

臣心已是清如水不重鴈鷗重撫循
臯夔稷契滿朝端退食從容心自安

主聖應知稀諫草時和誰不慶彈冠師師有象來朱紱
衍衍何人是素餐獨有先憂後樂意每依

宮闕一回看

菲葑幸得沐餘香洩勃何當貯藥囊不盡光風隨地轉
爭如頑石點頭忙蒼黎有望星初近鴛蹇無能策又長
佇待來

朝歌采菽沙隄咫尺再登堂

題畫六首

秋花滿岸黃秋水由來白撥出水邊花于于蟹行迹

八足擁寒鉅金膏應內盎未遣伴橙香疑是坡翁放蟹

小石自清奇山花紅瑣屑恐是惜春歸啼殘杜鵑血

豔豔燎原勢宜驚百鳥飛那知雙綵蝶偏向舞斑衣

秋來蘆荻未摧殘裊裊蟬聲帶雨寒穩宿應知風已靜

高飛早識露初乾輕盈短鬢還描得斷續新聲欲畫難

自是野田多逸興清晨不入侍中冠

秋

紫莖綠葉兩相宜小石閒花一樣奇斜倚幽巖疑貼梗

平鋪細草亦垂絲
催粧粉蝶休嫌早
擬聘寒梅却恨遲
莫道雨餘春睡足
秋來錦砌正葳蕤

秋海棠

童節歌

乾坤正氣浩如許
莫道深閨皆弱女
歷歷青松耐歲寒
爭輝日月秋江渚
此生未著錦羅茵
和將血淚染湘筠
堂上翁姑漫嗚咽
入門已是未亡人
人亡人地下應開顏
生未成婚死不鰥
冰雪爲腸玉爲德
長留大節在人間
人間大節尋常事
智者不能愚者是祇
今姓字播寰區
更看芳徽照青史
荼雖苦甘如薺
長路漫漫靡所底
何

以終之如其始

送莊復齋吏部之楚分府

夏景吐清輝春花留餘絢庭際布新陰野色分葱蒨臨
風誦白駒繫維勞繼繼旣念素心人况復

中朝彥我

皇御極初置羅巖谷徧神雀不穩棲戰纓掇紫燕碩果
慶得與滌食酬行願摩挲撫石鼓羽翼功經傳奪席二
載餘司封又登選清晨入銓曹薄暮歸講院攬轡慨澄
清名流盡目眴著論邈時英搜探窮奧衍小子未登堂

規尋矩與面憤悱愧三隅割切循八線

先生去歲授余以三角算八線

表等書

遂令孤陋姿牖隙窺曦睨以茲樂觀聚忽忽如奔

箭星霜未兩移時事幾更變琴鶴出燕京鳬舄臨荊甸

敝車轂尙完瞎馬蹄猶健

先生所駕馬兩目俱翳

車逐新人驅馬

還舊主戀如何數晨夕中焉不眷眷此行入鄢郢道經

洛陽縣禮樂緬姬公中州訪文獻衡岳鬱嵯峨江漢垂

組練蘄黃控柴桑襄樊枕洛汴古來形勝地撫蹟流英

眄南登岳陽樓極目湘潭澱烟火匝村墟禾苗鎔蔓莖

先憂後樂心肯使溝中怨雖非百里才暫假揮巾扇賈

傳出長沙前席虛便殿行矣驅無疾宜室猶思見

緝齋詩稿卷二

漳浦蔡 新葛山

感興十首

沙棠剝爲舟汎汎水中浮
櫂夫勤鼓枻破浪逐飛鷗
漂搖竟何泊所就非所求
誰能揭其柄長年倚舵樓
掉臂轉移間倏忽達神州
蕭何操發縱曹樊張貔貅
不識功第一盍譬彼舟流

雄雞甘斷尾陽虎願從東
拙亦無所用巧亦無所終
安得夷惠間置身在其中

昔我愛春花日結名園契攀條折其榮紅白雜佳麗攜
陳几案間凌亂如獼祭一日自鮮妍二日顏色替三日
棄荆榛華葉同萎翳以茲供朝夕如何勤歲歲寄謝繁
華子採摘力不逮吾亦灌吾畦深根固其蒂

蓬萊有神仙置身何高潔瓊宇爲我居丹竈爲我穴玉
醴爲我漿朝霞爲我咽豈不慕清虛彝綱未斷絕王謝
競風流蘇張敝其舌位高術亦酬但恐真性滅結廬城
市間終歲嘗磨涅袖中定性書雜誦不可輟

編竹架鷓鴣捕魚緣水宿半入主人厨半飽鷓鴣腹旣

飽自舒徐鼓翅燠曦旭潛鱗亦稍伸游泳安洄泝長絲
一繫頸大小歸公餽物性固多貪何能就繩束急籜主
人翁河魚須山鞠

孟博不爲惡季通不愧衾同此憂患意認取聖賢心烈
風雖清越豈如彈清琴洪爐經百煉始信有兼金

依巖一長嘯林麓亦應聲木石猶如此況我無異情我
我高山內名跡勝蓬瀛奇花與古木不向培塿生誰導
余先路甘與子同行

仲冬寒氣慄天心在子半獨坐多所思所思無畔岸擾

擾塵慮并誰令夜氣亂消息本幾希安得常平日攬衣
步前庭庭樹存老幹不愛華葉姿豈憂霜雪絆兀然葆
其真長條春自煥

周天三百六應地九十千禡此赤縣間何異几席前戶
庭羅八極俯仰幾千年所以貴我心朗如日在天無使
浮雲至光輝當自然

閩士當明季曾聞林牛足虛空歸粉碎艮背乃植基洗
心藏於密養氣浩爲期曩者識其術終恐爲世疑六籍
未榛蕪聖賢不余欺窮年事探討恥與道術岐佳穀信

甘美豈作玩好資，莫稗雖可食傷哉。難療饑

戲和程春曇墮溝詩

燕市城南繁華日，滿城車馬紛馳突。肩摩轂擊輦下驅，
強者爭先怯者蹶。微君混跡黃塵中，薄暮歸來興更勃。
循墻本欲學偃僂，失足多因逢艱脆。倏然展轉入深溝，
頓使新裝污去聲泥。泥淖掀髯奮臂跼，復登道傍觀者笑殊
絕。平生未解足容重，到此難言衣不撓。早隨世上步亦
趨，何事解嘲勞筆舌。京華冠蓋滿康莊，不數長安九衢
闕。幾多幽路少人蹤，更復機阱暗中設置。身詎許標獨

行遠俗還遭蒙不潔志士由來不自由皎皎易汙嶢嶢
缺知君不作避世懷恐是納溝腸內熱載胥未免尙關
情已溺先將現身說忽染練絲墨子悲還吟秋水莊生
達高歌一曲漸流傳佳話從茲未休歇君亦從今善自
珍莫向人前輕一跌常將習坎入宮心視此需泥出自
穴

冬夜感懷次黃靜山韻

空庭垂幽幔櫺軒逗寒月疏影暖清虛短檠同靜兀淒
淒卉木枯生意未銷歇盤桓撫孤松冬榮異春茁感此

一撫膺怒焉傷如結憶昨十年餘慕聖希存察撫遇及
榮途夷然見不屑入世一以深形神亦漸竭狂瀾日倒
翻濁流昧涓潔取笑南溟鯤貽羞東海鼈大冶鼓錘爐
浮生遞枯骨烟燭千載心精英豈滅絕詩書留餘芬達
者知採擷念此不能眠獨坐無言說

恭和

御製消夏十咏元韻

高閣臨芳岸輕雲隔綺牕軟紅初貼錦深綠不盈江檻
影搖風直珠痕逐露雙游鱗應共愛來往互春縱

荷

如磬復如簧因風送韻長清絲拂樹冷促節近秋忙解
渴宜宵露將飛趁早陽一枝還穩宿爾不畏螳螂

蟬

殿閣生虛籟渾如坐桂叢七輪堂上月五字戢山風舒
卷閑情適炎涼幻影空明朝秋信至未審與今同

扇

聒聒繁聲起平田綠草齊叫昏池上月驚破枕中雞欲
暮爭浮水新晴還撲堤公私何取爾坎井孰高低

蛙

點點依幃晃輝輝映水澈空林餘獵火疎荻亂魚燈著
雨光如洗溫風影倍增卻憐寒士照繼晷有殊能

螢

酷熱當朱夏虛涼斲素冰寒逾風雪壯清合水晶凝堆

果翻成浸爲山那可憑從知涉春者濡尾問狐曾

玉宇光遙逼含情獨夜遊圓輝澄皎皎素質泛悠悠

幌穿簾細沿溪逐水流幾回梧樹杪移照一庭秋

飛塵迷遠樹密霧失前村鑿破江蛟窟驚喧垤鶴言

扉搖不定花草暗中繁頃刻陰雲散晴涼日未昏

兩

瑛盞貯瓜瓢擎來瑪瑙香絳雲零曉露丹液滴秋霜

却愛東陵好空傳玉井良三芝稱最貴能得幾回嘗

瓜

炎威愁積暑賴爾送將歸鬪草風聲細吟堦月色微

淒清催別杼啾唧動孤幃不待繁霜迫移來早見幾

蛩

送春二首次黃靜山韻

芳華滾滾問風塵物色驚看別又新
恰是閨餘當首夏無多韶景駐殘春
一家天地歸何處萬古烟花屬主人
杜宇未須啼去了紫杓東指更寅賓

啼鳥飛花草似茵都含幽思愛餘春
卽看嫩豔穠華歇更遣長條密葉新
塞北蒼烟還極目江南芳草漫傷神
鑪錘就循環理造物無心但有仁

桃源行憶梁山舊遊

我讀桃源記更愛桃源花
桃源花樹無今古桃源山色

空林霞洞中不聞朝市異居人髣髴仙人意豈知
卽世人只爲洞中異朝市祇今不少桃源花何人却
桃源記憶余家近梁山麓九十九峯攢翠玉春暉已過
夏晴初披雲曾此扶筇竹緣山迤邐西南行廿里盤陀
一夜宿凌晨急起望岩堯跼步攀藤陟垠堦雙崖倚劍
屨山門直視千仞盤巨壑天然削成山骨聳一夫當關
虎豹愕遵途緣澗溯淺波縈紆屈曲隨山阿簇簇幽篁
漲新綠山花有意交枝柯一塢人烟藏石罅數椽茅屋
帶女蘿我行到此已次且樵童歛客爭歡娛也知禮數

解坐作傍崖林木清而姝褰裳再過小橋東步步山村
結構同及門老翁黧黝面行步如飛筋力健喜我遠來
走相迎呼兒爲辦青精飯須臾隣叟競過從執榼提壺
雜野宴酒後烹泉煮山茗茗苦泉甘劇堪羨俱云先世
亂離迫同來此地披荆棘始至初傳十數家至今老稚
垂二百町畦磽确成良田高原下隰種禾麥雖非洞裏
仙源春山色溪光絕可人亦有陂塘千樹桃花花落盡
葉綦綦笠簑不及秦代古風俗還似武陵淳歛曲忘機
互酬唱斜陽忽掛杪梢上低徊晤語憺忘歸川原景色

增惆悵山腰巨石一徑通
谿窳窳窮千萬狀卽從此
穿雲根拾得青螺佐村釀
于今屈指十六年何年再
許登青嶂長安車馬日蕭
蕭冠蓋如雲跨錦鑣五都
之市更繁庶芙蓉鸞鳳珊瑚
樹乃知太守亦徒然斗大
腰間白玉懸漁人得魚卽
入市時向豪家索酒錢此
地應無問津者空緬洞裏
真神仙我憶舊遊長太息
亦在燕市繁華日家山舊
路何日歸流水桃花莫相
失

桃源懷古次黃靜山韻二首

秦代衣冠古洞民種桃樹
樹總宜人山前亦有桃花
發

開落何如洞裏春

中原鹿馬幾相尋
洞口桃花自古今
六百年來一舟子
頓教懷葛亦心深

依韻答黃靜山

中夜雞聲原不惡
紛紛情緒何蕭索
如金庭菊老秋光
曜靈騷騷自天躍
丈夫意氣薄秋旻
直與青蒼橫浩廓
西曹文章世已驚
神寒骨峭胸磊落
退之餘事作詩人
須識箇中真脉絡
年來最我古人思
更以和章相訂約
股肱載賡廊廟謨
梁父一篇草廬作
苦心那肯學蠅聲

妄希巨魚縱大壑體不勝衣強執弓文成覆瓿愧裁度
王楊盧駱吾弗知殷浩尙須東高閣爲愛君詩亦放歌
水中之月光可酌

和黃靜山比部冬日同諸執集劉侍御宅原韻

大雅集衣簪忘年友二三清樽今日會氣味古人酣學
海窮溟北文星動斗南明珠原在櫝買得共搜探
六籍還如畫斯文萬古心從知泉可及其奈汲殊深酒
罷霜寒砌歸來月掛參寥寥天宇曠鳴鶴吐清音

仲春同傅謹齋黃靜山雷翠庭鍾勵暇集劉蘭谷

侍御宅和翠庭韻

舊遊重此訂交新座上今看臭味親
萬里不知身是客同心還與古爲隣
名場蕉鹿寧非夢藝苑雕龍亦未真
賴有諸公相剖判寒更晴雪醉如春

詠芭蕉

綠暗書牕冷氣侵秋來蕉葉白蕭森
雨餘最愛長廊靜月下還留半院陰
幻境欲迷樵子夢西風吹斷美人心
詩成賴汝供揮灑逸態猶能助遠吟

聖駕謁

陵禮成恭紀

五言排律三十韻

清蹕傳

宸駕鸞旂入

帝鄉天文臨析木

王業溯岐陽在昔鍾靈氣於今覲

耿光九邦銷壁壘四路掃櫓槍瀚海連沙漠江華走樂
浪關中初定漢河朔已歸唐地接長城壯山分太白祥
風雲通岱嶽雨露浹溟滄永作神臯鎮還開

景運昌自從橐戰矢不復戍邊牆一統車書域三千禮

樂場

留都雄雉堞

畿輔固苞桑
松牖遺

弓劍璫裘貢
篚筐玉衣千
載護石馬五
雲驤

列祖貽謀遠

曾孫有道長

慈闈方樂豫

御路正平康
八蜡逢年稔
三秋卜日良

喬山褭壽鼎

原廟憶垂裳興祀司宗祏明禋飭太常

齋宮澄夜月

闕殿拂新霜

袞冕躬昭格班聯助肅將從龍曾與享同馬總來王旆
轉峯巒紫香凝檜栢蒼禮成朝玉帛樂備奏笙簧列署
環

崇政分曹拱未央卿雲看縵縵湛露已瀼瀼宣

詔多承澤陳詩合省方歌風卑沛里校獵笑長楊父老
歡聲滿官寮喜氣揚

聖心勤繼序錫類永無疆

夏初同少尹傅謹齋侍御劉蘭谷陳體齋比部黃
靜山陶然亭讌集分韻得一字

長安城南隅虛曠少居室陶然一亭開野色分蒙密九
衢塵囂中獨此饒清苾懷哉素心人天機羣暇逸聊以
恣遨遊因之陶性術高阜繞長垣中庭豁穹室小院亦
清幽春花飭繁實桑椹綴低枝蘆菰抽淺澤列嶂排雲
端極目收崢嶸雜坐覺忘形傳杯任坦率數斗同氤氳
清詞還汨汨此亭不自今遊觀求其匹豈不各陶然

然訪匪一吾徒自有真酣嬉盡天質此樂無窮期相期以異日

冬日和陳體齋雅集原韻

騁懷原自豫那復有艱難身世能無念琴樽且共歡愁邊歌調短月上酒杯闌蓬戶多無褐天心未忍寒

立春日諸執雅集次劉蘭谷韻二首

青陽開橐籥天地此機緘仁氣諸生動友聲神聽誠浮沉京洛客顛倒紫青衫報道洪鈞轉燈花喜不凡

不知今世味何自異酸鹹古調得心賞深盃喜共銜忻

忻私蔓草漠漠見蒼杉珍重良辰會春盤未足饒

早發德安取道匡廬二首

匡廬勝阜昔曾誇未到匡廬興已賒淺渚平畦橫藥圃
疎林斜徑隔人家烟浮密樹疑朝霧日隱高峯見早霞
更喜秋深楓半落沿溪處處著紅花

雲開日霽霧初收峭壁澄潭一色秋到眼圓花爭絢爛

無名小院亦清幽峯迴仄磴金輪轉

金輪峯在溪漾晴歸宗寺後

溪漾晴

雲石鏡浮

金輪峯上有石鏡峯下有石鏡溪

爲問南村何處是濯纓池

畔一荒邱

栗里坂有濯纓池青風橋

過瞻雲寺

舊名歸宗寺

逸少風流得未曾聞將書室與山僧

寺為右軍故宅捨作僧寺

浴鵲

谷口溪毛塞

寺後有浴鵲池今堙

洗硯池頭墨浪興

洗墨池在寺內東廂神

禹久湮丹穴字

山頂有石室大禹刻百餘字今湮

文殊猶幻佛龕燈

上有

文殊巖山谷中時有燈光上下僧傳佛燈云

剡藤叩竹他年約擬上高峯第

一層

宿秀峯寺

舊名開先寺

籃輿亭午到開先翠竹森森塔影懸秋老寒生雙劍鏢

雙劍峯在寺右

雲輕風動一爐烟

香爐峯在雙劍峯側

鶴聲遙度錦屏樹

昌齊寺高

卷二

三

鶴鳴峯在寺後
前為錦屏山

虹影頻看瀑布川

瀑布在雙劍下

鈍拙由來慙

悟性聰明獨愛洗心泉

寺後有泉從石罅出名聰明泉

從秀峯寺過白鹿洞

商飈吹葉度清宵
飯罷僧廬上使輶
近遶慶雲深梵刹

慶雲峯下有萬杉寺

平看星子落江潮

星子縣在彭蠡濱

七尖峯秀松林

官三峽源深石澗搖

七尖峯下有三峽橋

為向前途尋鹿洞
匆匆

誤却棲賢橋

棲賢寺唐李渤讀書處再入為棲賢谷是日因急過鹿洞不及往觀

宿白鹿洞

五老峯前水一灣
長松深鎖白雲關
新瞻

御墨來霄漢舊是靈修萃海山

是日懸掛書洙泗心傳扁額

御臺為

思賢須拾級橋名貫道見潺湲

洞後有思賢臺院前一水為聖澤泉有貫道橋

風流異代何人繼獨立蒼茫自訂頑

望五老峯

嵯峨翠壁鎮天中拔地芙蓉面面同
白髮欲疎秋夜草蒼顏長挹大江風
朝晞沆瀣九陽燭暮吸霜潮百寺鐘
極目嵐光無限思吳江南盡楚雲東

秋日山行有感

楓林錦繡崖柳澗黃金谷
敷葉鬪春花垂條比秋菊
愛

此不忍去行行且停轂野老向余言君豈昧往復三五
明月夜霜風捲茅屋蕭蕭幾枯枝牛蹄涔下漉榮悴各
有時繁華去更速吾悲之不暇子顧以爲福聞此心轉
淒疾驅過林麓茅店對孤燈兀坐媚幽獨

入都數日劉侍御蘭谷以詩見示喜而有作

六月西江道歸來雪已深風塵纔掃跡騷雅舊知音破
冷嘗新酒偷閑理素琴所知相慰問俱見古人心

秋日南苑陪

皇子出獵作長歌一首

南苑週迴百餘里平蕪豐草彌鹿豕清秋

帝子出行圍縱控驂騶鞭駉駉平生未識軍容盛到此
觀獵亦心喜清晨整轡肅隊行兩翼平分互角倚前偏
迤邐布魚麗中權攢簇如岳峙須臾怒馬歛驕嘶蹀躞
奔騰爭迅駛桓桓衛士盡貔貅右屬橐韃左鞭弭不虞
卽鹿入林中何惜射雉亡一矢馬前狡兔走跋跋盡氣
狂奔竄草裏毳毼猶與得偷生宛轉還從箭下死白日
中天氣豪健髣髴沙場看酣戰前驅止殺下小綏解鞍
暫憩空王殿我本東南一豎儒三十年來未曾見今朝

上馬學執弓馬上猶能放一箭初行按轡尙逡巡倏忽
從風掃震電歸來餘勇更可賈且復據鞍生顧盼

盛世無勞汗血駒書生豈解膺羈絆只今鋒鏑永無虞
講藝投戈革不貫

古槐行

南苑行宮古槐樹蒼皮翠葉籠烟霧栽培未識歲月賒
正直懸知鬼神護雨淋日炙霜雪侵輪囷糾結撐迴互
漢苑曾傳六百株守宮晝聶宵炕布豈如老幹獨崢嶸
童童一蓋竦

鑾路長條會有絲竹聲
搗肱不愁蟲蟻附鼓柯
振葉無處無植根此地難其遇

一畝泉

緩步小橋西微波漾澄澈
愛茲一畝地蒸滃浮翠雪
乳竇側涓涓迸流通沈沈
映日忽成文因風蕩綠纈
惜哉濯纓池翻作飲馬窟
何時繚其垣限此黃金埒
甃以文石幽覆以松堂
潔晴宵一眺望清泚落明月

南苑道上

狡兔猶驚矢黃羊不避車
却因隨獵騎聽得話桑麻
露

積胡麻苳霜霏蕎麥花三驅不到處知近老農家

武殿

武殿空遺址平林一望秋草深埋鳥跡石古剝螭頭寂
寞寒雲斂繁華夕照留卽今蒐獮外歸馬雜耕牛

遇雨歸寓晚就秦味經同年小酌

遠望真如海連天不見山陰雲迷草樹細雨濕輪轅栖
處堪容膝歸來但閉關無愁瓶已罄就酌一酖顏

秋日德壽寺讀味經哭子詩作此解之

南苑秋光迴西河軫恨深花殘原有子樹老合無心

却浮生寄同歸幻影沉此中存道力何處發哀吟

過德壽寺菜園二首

一夜經新雨蔬畦改舊觀乍添霜甲脆不藉井轆殘徑
仄蒼藤合秋深草菊寒晚菰滋味好對此欲加餐

野色真成趣茅簷亦自清何當遊宦跡忽動故園情午
後黃花酒霜前碧澗羹溪山寧負我坐惜爲浮名

對月

獨坐渾無賴金波照眼明跡將誰共遠心與汝同清不
愛花留影猶嫌樹有聲請看三五夜何道可持盈

送黃靜山出守京江

君本用世材乃有南陔志用世應須及壯時南陔愛日
古人意十載羈遲白雲司遙望白雲常不寐今年于役

入南州

靜山四月奉
命往江寧審案

未敢陳情爲

王事奏當歸來荷

主知邊地巖疆資卧治

初守陝西
平涼府

微臣有隱戀庭幃

君恩還許移近地京江帶水達柴桑綠莎廳裏立養堂

登山不染金銀氣酌水深知甲冷香君不見茅容殺雞

具甘旨終老田間獨善耳太真勲業耀丹青可憐絕裾

走千里何如家國兩無虧民之父母親之子

鄂虛亭前輩過訪德壽寺別後枉詩和韻

耦坐空門景色幽不妨儒釋作朋儔陸離寶鼎經新眼

磊落名山憶舊遊

虛亭述惜歲遊醫無間山

淡淡斜陽歸路杳蕭蕭

紅葉滿庭秋妙音一發瑩篴裏寒柝聲殘興未休

和太傅相國福龍翰老夫子致仕原韻四首

花木平泉未是貪堦前露菊與霜柑洞庭春色香初熟
老圃秋容味共諳白髮愛看遲日景黃扉猶憶舊時談
平生祇有先憂志後樂應餘此際甘

湛然心地本無貪豈爲田園千樹柑閱盡繁華真性在
久經中外世情諳蕭曹未解辭榮祿廣受何當擅美談
明月清風閒作主午橋觴詠自清甘

勲名台鼎故非貪何事杭門笑賣柑碩畫早關天下計
襟期還許世人諳每於後進虛前席時把奇書當午談
舊路沙痕依日下不須遯野學殷甘

清和漫擬醉眠貪

許金門復賜柑

傅新恩家食吉經帷舊學

聖心諳蒼生猶仰東山屐綠野偏留晉國談但使
廟堂調鼎鼎韭菰滋味勝肥甘

題熊滌齋秋林讀易圖二絕

瀟灑平林一草亭晴牕獨坐註義經畫前悟得先天秘
紅葉紛紛笑滿庭

一窩安樂自無營繞屋平林素籟清爐扇此時都不用
箇中何似邵先生

昌平道上

直北關河壯孤城對面開斷橋橫古道廢寺堦危臺水

向邊墻入塵隨獵騎來斜陽秋樹外紅葉滿山隈

送座主閣學張桓臣夫子

予告歸里三首

一封辭祿向林泉得請從知

主眷偏廿載蓬瀛看接武三春花柳獨歸鞭赤松許遂
留侯志白社何嫌狄監年芝草琅玕應滿地碧山端不
負龍眠

平生溫飽亦何求戀

闕丹誠訖未休職贊

宵衣關國計堂開晝錦豈身謀會將壯志酬華髮
蒼生慰白頭風月閒中無限思猶疑待漏五更籌

會陪使節過樅陽

甲子秋隨
武江西路過

師典
桐城

永繞山環綠野堂

上相箕裘增式廓高賢第宅總相望停雲許賦重遊近
絳帳旋添別緒長極目天南心共遠春風遙企鄭公鄉

恭和

御製元韻

天章下玉除仰覲

禁中廬竊附增山壤還慚濯錦魚傳心欽

典範侍講忝迂疎養正論鐘鼓離經恣徇漁緝熙今日
就遜志古人餘

聖學淵源近遵行在厥初

傳謹齋期過園林阻雨不果賦此却寄

滿目遲來客孤檠獨夜闌遙知泥沒馬坐對雨侵欄竟
夕蛟龍鬪先秋蟋蟀寒且將詩共語重訂月同看

柬鄂虛亭乞書冊頁

聞道朝叅暇還將鐵硯磨幸因藤角紙爲灑墨池波
霧空中落蛟龍腕下過蘭亭佳處是祇少右軍鵞

和傅謹齋過訪西園原韻

野色淡秋暉夕陽解迎客林薄迴商飈遊興愜泉石
徑半苔封爲君掃行跡明月懸清規方池動虛碧對此
戀芳樽池月共君憶

和傅謹齋西園漫興二首

雨過園林淨風高結響微輕陰祛積暑瘦影亂清輝水
石皆秋色登臨亦靜機斜陽梧樹杪雜坐列長磯

環亭山水意偏繫故人心暮景含秋思砧聲動遠吟客
逢塵外賞談向酒中深坐待林端月閒揮石上琴

再和夜宿西園原韻

虛牕開近岸白露滿庭楸蔓匝苔磯暗萍分水樹幽愛
茲當檻月恨少採菱舟不盡盃中意期君醉復留

瀛臺賜宴用唐臣李嶠甘露殿侍宴詩分韻得烟字
瓊筵開別殿蓬島麗非烟孔燕因行慶逢秋爲有年層
臺津樹外曲檻水雲邊舞逐銀鸞影班分玉筍聯
恩波涵太液和氣動官縣晝日勤三接同賡湛露篇

恭和

御製瀛臺賜宴得詩四首元韻

曉漏初傳響玉珂仙洲廣樂奏雲和璇霄喜近三秋月
部屋欣登九穗和太液池頭鵷侶集蓬萊島上

翠華過共懽

一德明良慶舊典重賡

帝載歌

新添絳葉遠山稠紺殿珠宮碧沼浮無數鮫綃陳廣陞
幾多桂楫漾清流曲江宴罷還酬幣興慶詩成亦泛舟

自愧曾非劉李詠承

恩叨侍鳳池頭

睇陽湛露影娟娟舞席纔迴散紫烟更許蘭亭陪曲水
無勞長樂秩初筵仙盃絡繹中流見

睿藻繽紛內使傳此日漸磐歌衍衍欣逢

文思是堯年

霈澤霈雲潤永留承筐旨酒分難酬兩行晝錦榮三錫
五夜

宵衣過十秋好聽近臣唵蟋蟀應無外吏問鉏鉤普天
共入春臺域大地何非海上洲

送伯兄歸養三首

樂聚尋常事臨歧覺惘然微霜霏北地征鴈入南天分
袂秋三月關心路八千遙知倚閭望不忍繫歸鞭

每憶昏晨曠兄心卽弟心計程冬日近望遠白雲深祿
食慚能養羈栖空自吟夢魂隨棹去共惜北堂陰

慈心期許國仕路敢忘親不爲蓴鱸興常懷菽水貧玉
堂空接武草屋未藏身何日開三徑容子膝下人

聞亦飛弟攜眷入都用杜少陵弟觀取妻子到江
陵喜寄三首原韻

六月曾傳過越州經秋未解客途憂遙疑巨浸迷沙尾

夏秋江南
河流泛溢

聞道輕帆向石頭

弟移舟入江寧

南國浮雲休浪跡

江濤伏汎好安流
每因避雪歸飛鴈
欲把星槎問斗牛
屈指郵程望轉深
短檣又苦朔風侵
霜砧不解離人夢
江月應懸過客心
定有家園新舊話
可無行篋短長吟
卽看靜夜寒燈裏
歡笑狂歌不自禁

共攜妻子達京華
南北由來總一家
重別故園三徑草

同看上苑九秋花
乍因離思頻開酒
恰喜來期正及瓜

時伯兄南旋弟
卽將到故云

童稚無猜兄弟樂
天涯聚首漫興嗟

送劉蘭谷監司臨洮

憶昔秋風別陳子

甲子秋體齋
監司湖北

君在離筵我千里

時子
在西

江道

更將寒雨送黃君

乙丑秋靜山
出守京口

誦君新詩如秋水

無多京洛素心人一年一度別筵新今朝朔吹飄征袂

又送君行西向秦西向秦關雄百二臨洮年少古難治

華僮雜還羌女噀不重鷹鷂重撫字

帝曰往哉惟汝諧檐帷行部君其寄板輿奉母出郊坰

却爲致身成養志君今行矣騁宏才宣室前席待君回

還著斑衣勝老萊我來問字歌南陔不愁離索懷抱開

挽莊復齋監司五首

半載音書隔三春別夢頻如何身已逝方覺道將伸濟
世寧無祿談經昔有隣撫時兼憶舊揮涕欲沾巾

學脉尊閩洛榕村舊主盟早時聞小陸晚歲得安卿

先生

在李文貞公門年最少

風義傾先達淵源及後生只今搖落盡惆

悵在陰鳴

樂志遲空谷推賢憶大臣

先生爲楊文定公所薦

入山心似水許

國鬢如銀出處安時遇行藏見古人南陽致主日肯負

草廬身

楚北遮留日江南望拯時

先生守徐適值黃淮交漲

驚濤翻陸海痛

哭問瘡痍淚迸桃花水薪艱瓠子陂由來賈讓策漢代
未敷施

昔歲黃華道星軺秋渡河談憐宵更短醉覺酒非多良

舊難如此長辭痛若何那堪相質處寂寞向山阿

昔歲
西江

使回過彭城先生以所著河防一
冊示余曾作書質疑未蒙開示

新刊言禾

卷二

三

緝齋詩稿卷三

潭浦蔡 新葛山

西園期趙然乙不至兼寄萬南泉侍御

好似三秋別如何一諾輕幾回遲子至兩度待宵明孤
月期同賞殘盃舉向傾懸知封事迫驄馬未偕行

疑南泉阻

偶憶清泉卽寄又夢和尚

自別清泉歲月移故山風景定何其春芽火暖清明日
金粟花開白露時不脫六根還是我爭如三點自成伊

淵明未就歸來賦空笑東林慧遠師

宿善緣菴和鄂虛亭前輩韻

偶借禪房便掩關寒風吹酒亦怡顏
一年又見三冬晚五日常餘半壁閑
貝葉經翻祇樹下齋厨火出暮雲間
與僧俱在塵寰裏不信空門有雪山

晚宿博望驛懷裴蘊書

蘊書是日分途

之子時相見

杜句

今宵獨醉眠如何分一夕已覺住經年

江色寒山外征衣野岸邊奚僮兼少小尙賴主人憐

未到柴桑郡先浮博望槎同人還適館獨客向誰家驛

路霜前月江干雪裏花應憐共分手樂事故園賒

雨

伏暑方中氣已秋沉沉夜雨未曾休苔痕漬草侵堦綠
樹色當牕隔院幽遶砌繁花齊獻媚爭枝啁雀早添愁
朝來不覺新寒至檢點衣囊取薄裘

晴

雲收霧霽日華鮮小院青蒼亦可憐雨後新添枝綽約
夜來好待月嬋娟綠藏榴實垂簷綻黃落槐花藉草眠
未許輕陽消積濘晴薰平地欲生烟

移葵

戶外秋葵雜草萊和根移向曲欄栽
非貪綠葉承金露却喜花時向日開

鋤菊

百草離披鬪夕陽新秋菊蕊未曾黃
憑他柔蔓欺霜幹鵲鳩鳴時獨自芳

對梧

亭亭綠樹拂金飈憶我來時一尺苗
今夜月明牆外見却教瘦影落長條

聞蟬

槐影當階向晚涼
鳴蟬嘒嘒爲誰忙
似憐蟋蟀秋吟苦
競把繁聲噪夕陽

嘗豆

新嘗豆粥落匙流
自種家園慰早秋
識得田家勤苦意
拔葵從此笑儀休

新月

樓閣城西畔微茫
月映坡光纔分大火
影不沒銀河露
井添秋興梁園起暮
歌謝莊雖有賦
弦細欲如何

秋夜獨坐二首

颼颼樹有聲葉老風初勁
玉繩耿秋輝西庚隨斗柄
獨坐對蘭階喜無塵慮併
仰看天宇曠旁覺纖埃淨
以茲識道機吾生有本性

皎皎圓宇淨沉沉金氣肅
霽霽露華滋空庭裛蘭菊
但看參與辰不見川與陸
寒蛩吟幽砌淒音激林麓
淅瀝野風秋迢遙石闌曲
清樽一酡顏獨酌無羈束
地迴因時靜神曠隨遇足
邈然悵前修清虛淡幽獨

庭前石榴樹

密葉當階靜濃陰照水融花殘三伏暑幹耐九秋風結
子逾霜橘宜男配鹿蓀離離燦朱實色並曉霞紅

驟雨

月暗當樓色雷驚出地聲魚龍翻巨浪燕雀墜深更驟
雨閒情亂新秋暑氣平沱寥天宇淨銀漢半斜橫

渡河

不是尋源使秋來亦泛槎河流無盡日驛路欲開花風
落隋堤柳烟浮博浪沙梁城一回首邨樹白雲遮

陳橋道上

策馬陳橋道烟村眺望賒碾渦多積潦籬角帶疎花避
水憐秋稼侵泥怯小車相攜同旅宿樂聚卽爲家

延津道上

沙磧帶平川荒城古道邊近河皆沃野此地獨磽田决
口迷酸棗顏邱識廩延吾宗餘斷碣

城內有蔡邕斷碑

剝落至

今傳

君子村

蘧伯玉故里

淇園人去後此地嗣徽音浩劫知多少嘉名自古今周

行使者道寡過大夫心悵望前村遠低徊思不禁

過洪水

白日過淇澳，清流憶建溪。
沙礫帶頽髮，鈔與劍津齊。
細石明秋岸，叢篁沿漢堤。
漢武帝伐獼猴，竹以塞其穴。
空聞歌綠竹，惆悵老楊稊。

嵇侍中祠墓

出郭孤墳近，豐碑古道存。
當年悲孝子，此地安忠魂。
白露新秋色，紅花舊血痕。
王哀何處里，寂寞問山村。

謁比干墓

冷落殷墟外，蒼茫帶夕曛。
久欽先聖蹟，宣聖手書
比干墓四字殷來。

緝齋詩稿

拜太師墳石碣新題咏
銅盤古篆文一心懸日月千載
有明君

宜溝道中晴

宿雨初晴曉色蒼雲間驛路布輕陽驟看新漲來恒衛
遠見支山落太行沒馬深泥還活活漸車流水故湯湯
占晴早慰農人望秋稼將登木築場

謁韓魏公祠

臚傳初奏日五色麗璇霄間氣歸元老殊勲定兩朝花
寒留老圃陌翠長新條瞻拜祠壇古遺徽小宸寥

漢函谷關

重門設險古城東魏尾秦頭一望通

洛陽西有秦山衆俗呼魏尾秦頭衆

水滌紆歸洛下前山迢遞落關中
烟花樓閣朝朝紫霜葉溪亭樹樹紅
道德五千慚柱史幾回函谷度秋風

穀陵懷古

穀函草樹夕陽殷磴道迂迴水石間
秦晉東南分戰壘山河表裏扼雄關
二陵此日秋將老三帥當年鬢未斑
憑弔最憐黃髮叟哭殘風雨淚潛潛

羊角山遠眺

披雲亭畔枕黃流，
角山高跨一州望。
入龍門，恩大禹。
愛從棠樹識西周，
中條積雪含風冷。
底柱驚濤蹴浪浮，
翠色近連城署北。
墨池烟靄未曾收。

張芝墨池
在州署北

召伯祠甘棠樹

久從分陝問西東，
尚有甘棠憶召公。
樹下定多麟趾過，
枝頭未見鵲巢空。
莫嫌古廟尋常幹，
留得當年茂勳功。
漢栢秦槐休漫擬，
佳名不入二南風。

回次硤石驛阻雪次日泥濘行四十里道上有作

三首

憶昨來時秋正陰歸途寒色更相侵經冬不覺風
面過嶺初看雪滿岑川合澗漚歸路澗地連條華入
征車取次愁泥濘永夜喧呼驛使音

石壕村外往來頻日暮曾無吏捉人賈客便隨樵採住
居民祇解洞雲親不眠蠟炬雙條燼破冷松醪一夜春
恰憶往時三帥事封尸從此過茅津

長宵雜坐待晨興風雨瀟瀟灑二陵舊雪未消新雪下
前車已覆後車仍人翻嶺路橫坡石馬落崖陰曲澗冰
盡日山行三十里荒村又見佛前燈

過新安將至洛陽

日日山崖並水濱
寒烟土鏹洞居民
乍看此地無殘雪
始信來時是小春
澗水歸河先入洛
函關自漢遠通秦
東行漸覺規模濶
已近天中禮樂新

過伊闕登龍門寺三首

伊闕由來久雙峯
迴出羣路從石上
過山向水中分傍
岸無餘土棲巖有
薄雲洛南三十里
勝跡絕塵氛

過峽勞疏鑿懸崖
類削成導伊留禹
蹟拱洛護周京水
向王城入山因闕
塞名平生懷古意
未惜片時程

駐馬尋蘭若山門噴玉泉星龕無量佛雲閣大羅天
煖藉僧房火寒生野市烟那堪冬日影斜照石堂偏

過香山寺三首

龍門對峙卽香山繫馬維舟鳥道攀雪色未消空院裏
泉聲時出翠微間高賢故宅知誰是野寺殘僧亦自閒
到此便應當夜宿靜看星火動漁灣

樂天瀟灑冠當時儒雅真堪後世師詩句未應慚太白
才名誰道亞微之圖開九老攜仙侶廟鎮雙峯藉佛持
惆悵寒雲荒樹裏孤墳宿草自離離

墳在寺東南里許

琵琶亭畔昔逢秋錦繡崖前憶舊遊

甲子秋過九江望琵琶亭錦繡崖

試問匡廬多勝跡何如香葛自清幽雲生古洞依巖宿
月落寒溪逐水流莫把青衫無限淚錯將伊洛作江州

登望嵩樓和鄂中丞韻

雪霽霜清不染埃登樓還爲望嵩來半浮雲外凌空起
作鎮天中特地開莫把山呼同幻境從知嶽降有殊才
憑欄却憶高秋日南國巡行召伯回

次郟縣和鄂中丞韻二首

頻年行役復何辭此地重逢白雪時共說中丞來問俗

却教太史好陳詩風流舊識羊公帶雅量今看謝傅蒼
自是閒忙關性術空山不染暮雲遲

暮宿晨興動遠思西來馬首更東之夢驚寒柝深更裏
衣冷稀星欲曉時是處皇華同攬轡難酬雅詠獨支頤
豪情最愛新開府坐對娥眉便賦詩

和鄂中丞登風穴宿白雲寺原韻二首

秋日元戎小隊來高懷曾向白雲開花邊馬落銀鞍秣
橋外人從畫戟回謝傳登山憑蠟屐已公留客掃青苔
少閒分得禪床住鈴閣無勞吏夜催

老僧豐頰鬢邊蒼共話秋宵古佛堂靜裏鳴泉探夜氣
曉來修竹迓新陽陣圖詩思渾無礙宦跡禪心兩不妨
去住但隨雲影意滿山栢葉惹衣香

葉縣早行

昨暮衝寒鴈陣驚連宵漠漠見霜清人過石路還留跡
水近山崖尚有聲松葉早隨風力散馬蹄遙望日華輕
可能著取王喬履無事辛勤拂曙行

昆陽懷古

昆陽殘壘陣雲空指話中興第一功紫色鼉聲歸閭位

金戈鐵馬識真雄
荒村莫問長人跡
薄暮猶聞大樹風
此地卽今多勝景
秦州不數隗囂宮

方城冒雪二首

漠漠連宵書低空
舞亂雲豈知山水
際無復地天分歸
馬迷前道亡羊失
舊羣輸他高士卧
書幌認朝暉

竟日方城道無人
只白鴉不愁松葉
冷但恨酒旗賒色
映章臺月寒生庾
嶺花長途憐老驥
可是絆鹽車

卧龍岡謁武侯祠五首

躬耕此地絕塵囂
梁父吟成未寂寥
自別草萊憂社稷

卽看雷雨薄雲霄笑人鄧禹猶無賴咄爾嚴光亦太驕
出處直追三代上勲名豈數兩京遙

弔伐堂堂王者師南征北討復何辭蠻中衣甲供軍實
渭曲耕芸雜漢旗死去走將生仲達竭來倍却十曹不
可憐舊志稱良史未識軍威將畧奇

妙算神機總不誣鞠躬盡瘁計偏紆龍岡早定三分局
魚復何勞八陣圖逐鹿中原無正統續麟後世有真儒
辛勤一代存章武不爲區區滅魏吳

望諸伯業自恢恢騎劫旋聞卽墨來不是先生真匪懈

如何後主亦無猜兩朝際遇興亡運一手經營將相才
漫說遭逢千古事金滕端的待風雷

瞻拜祠堂思有餘會無長策忝衣裾清平莫擬出師表
寧澹深慚戒子書每讀遺編多涕淚乍經故里更躊躇
階前翠栢年年綠長護南陽舊草廬

卽席詠臘梅

聞道梅花發驚看歲欲闌鄉心隨夢亂臘味逐盃乾色
並松脂滴香分麝腹殘客中慰岑寂賴此臭如蘭

遊蘇門山

策馬近蘇門清涼日未昏雲收青嶂羃雨霽夕陽村攬
勝過山麓尋流溯衛源登臨無限意坐聽水潺湲

百泉

一片玻璃碧千條翠玉浮源深應到海潦盡不關秋上
善清無底盈科止復流眼看多樂趣下上任輕鷗

清輝閣

最愛清輝閣層軒四面寬樓臺天際矗花竹鏡中攢歸
翼棲文若遊鱗近畫欄所珍飛躍意通作智仁觀

洗心亭

藏密知何處於今識此亭滿腔饒活潑一勺自清冷莫
使塵侵鏡常如月映汀年來勤灑濯對此更惺惺

嘯臺

清高真得地遙望竹林鄉賸有孤臺迴曾聞一嘯長猖
狂憐阮籍簡傲嘆嵇康千載風流在遺基駐夕陽

安樂窩

卜宅高賢近雲窩此地營

康節先生父墓孫登爲人故徙居於此

先天義

易象絕學李共城

時共城令李之才授康節數學於此

爐扇都無用風花

別有情誰人識安樂安樂此中生

孫徵君祠

近岸多叢竹孤祠映夕曛前朝獨遺老

當代數徵君座對源頭水樓高處士雲宗傳維學脉所

重在斯文

先生著有理學宗傳一書

晚宿百泉書院

講院留遺址登樓屬晚晴綠筠圍野色紅葉落秋聲雨
後風逾冷宵中月倍明思賢亭上坐不寐度深更

立春前一日出試院口占

撤棘歸來歲事新寒風吹面掃車塵諸生羔袖分花雪

使者貂裘點雪頻西社
帘高人賣酒東郊鼓響吏迎春
今年于役今朝畢已是明朝斗建寅

郾城宿楊氏別業次韻

亭池風景逐春來花木清幽遍地栽
細雨欲添烟柳重輕寒猶駐臘梅開
琴中古調還留譜架上新書不染埃
更愛隔牕翻翠影竹陰深處長莓苔

春日汝南道上雜咏八首

出郭方知春事多東郊芳景日晴和
回看一碧南湖水輕漾微風長綠波

泮盡春冰水滿溝
隴頭宿麥暖風抽
板橋西畔人家遠
鶯鳴相將逐野鷗

色妬青袍映綠綈
道旁芳草已萋萋
行人踏遍矜憐甚
留與王孫藉馬蹄

蔬蕪滿地綠葳蕤
村女攜筐日正遲
莫道汝旁無舊俗
採將芣苢入風詩

新栽桃李未勝烟
嫩蕊柔條亦可憐
榆莢雨中催不住
枝頭先放買花錢

蔬畦傍舍井欄橫
早韭初肥薺麥生
童稚也知春雨足

隔籬閒弄轆轤聲

鳴騶盡日傍河隈奔走村童夾岸開野寺殘僧無晚課
也隨人看達官來

二月風光逾八月汝南烟景近江南綠楊影裏淮西道
爭似隋隄柳色甍

道中遇雨二首

肩輿忽值雨掀翻四下檐帷白日昏影動始知過柳岸
香迴暗識度花村

滿城車馬任喧闐漠漠還愁濕午烟傳語師生迴道左

好生護汝舊青氈

過光州南城

芳菲景色滿郊關
出郭偷將半日閒
碧水中分黃子國
蒼烟遙鎖弋陽山
橋因近市憐爭渡
花爲逢春競鬪殷
宿雨初晴風日好
兩城桃李盡開顏

清明日光州道上

雨餘新漲與雲平
嫩綠輕紅處處生
杏蕊香殘桃蕊放
梨花色並李花明
燕迎社日樽前過
人向輞川畫裏行
遙憶故鄉春事早
清明布穀已催耕

三月三日至陳州二首

平郊綠綻更紅酣
雲影天光碧水涵
花滿園林春六六
人遊芳草月三三
松篁靜處聞啼鳥
桑柘萌時看浴蠶
寒食於今寧禁火
村烟向午繞城南

陳風讀罷漫興嗟
陳地於今俗自嘉
株野乘駒無舊侶
宛邱擊鼓有誰家
偶因上巳逢遊女
未必南原不續麻
試看前村千樹裏
穠桃未減汝旁花

咏瓶中紅白桃花

已見紅雲起
還疑白雪過
樽前牕影碧
月下醉顏酡
傳

粉遙迷蝶挑燈欲引蛾捲簾風動處歷亂掇枝柯

淮陽道上雜咏八首

出郭逢人問柳湖荒亭面面長蒲菰非關水檻三春景
祇憶當時有小蘇

小市濱河也自譁白鹽青韭細魚蝦偶然網得修鱗至
賣與街頭若箇家

望氣應知神物興繚垣周護伏羲陵若非一畫開天手
不信人間尙結繩

烟火連綿匝遠村桑田漠漠對柴門墻頭葉小蠶初浴

陌上新艱柳再髡

曉起濃烟一望平
麥苗垂處露珠明
穿枝恰喜黃鸝啼
又近前村叱犢聲

愁看積潦滿田隈
夾道溝渠兩岸開
無數浮蛙齊聒耳
公私何事兩驚猜

殘紅踏盡馬蹄踪
又見人間富貴花
蝴蝶夢中飛不定
隔簾遙護赤城霞

按轡無端懶著鞭
幾多韶景媚前川
紫藤花下春將老
好遣枝頭叫杜鵑

謁微子墓

冠佩殷元子山河宋上公孤墳當孔道老屋長春叢相
望比干墓遙連闕伯宮桑林一回首憑弔古今同

送珊樹三兄回閩應試卽用留別原韻五首

濃陰密葉滿南枝羈況愁聞話別期官舍榴花看灼灼
故園荔子憶離離秋來准擬凌風起鏡裏頻驚被雪欺
自是弟兄兼主客臨歧分手莫嫌遲

分攜南北實堪憐八載肩隨豈偶然暫向石頭烟棹隔

還尋嵩少嶽雲連

丙寅秋兄遊金陵留數月卽入洛相尋

夷門賸有延賓

館易水曾無市駿篇

兄兩試北闈不遇

好去故鄉明月下種將

丹桂滿書田

歷盡天中興味長年來詩思爲誰忙
困攤積卷聊遮眼
閒把清吟獨洗腸
鄴下文章推魏晉
兔園賓客盛齊梁
逢人若問韓陵石
收取江山入錦囊

箇中消息已經年
世路憑誰嘆道
遄煖若楞嚴都色相

兄在商邱得小

板楞嚴經一部
祭同道德盡蹄筌
藥爐有訣詭丹鼎

兄題

來習道家言

茅店消愁藉酒權
可憶子由相聚處
閉門千息

夜床連

渭陽渺渺望征驂
怡喜同車並指南

將同章舅氏同行

永夜丹

鉛曾共賞長途風月又焉貪
筆當鎖院應尋夢劍過延
津欲啟函直待爲龍冲斗去
嵩高遙睇日紅酣

和趙星閣同門枉顧原韻二首

喜見同門友來尋洛社
英文章蜚館職風格重臺評已
就停雲賦兼懷麗澤情
別離經四載重此話平生
頻年誰問信此日轉情深
去似飛鴻迹來依竹閣陰棋
低難著手酒淺亦披襟
不識歡娛地同看別後心

和趙星閣志別原韻卽用留行

自憐簡曠孰如予相見依然禮法疎空有交情勞肺腑
曾無與共愧喪車蘭言勗我青雲外驪唱遲君白露初
伏暑長途休命駕西牕梧影耐閒居

和趙星閣再得句原韻

吳山聞海遠爲隣別後何時得再親漫把鄉心愁對雨
應知天意欲留人夢中可有相尋路客裏難逢自在身
梁苑風光今夕酒滿懷拍拍共知春

和趙星閣別後見寄原韻

別意何茫茫憑軒鎮日望炎雲蒸伏暑急雨度輕涼

閉棋聲寂書來客思長懸知相憶處離夢正飛揚

過懷慶二首

層巒疊嶂自燕京迢遞南來此地平北望峯迴三晉壘
東流浪捲大河聲花開明月山中寺露浥秋風碗子城
丹沁源深多衍沃千場硤礪慶西成

處處脩篁弄影鬚人傳風景小江南圩田秋老黃雲熟

河北獨此地多
水田出稻米

墟落溪深碧水涵近岸籬花迎曉日綠

山霜葉帶晴嵐漫言使節年年度爭似遊人恣遠探

大梁七夕立秋

風乍起火西流屈指梁園第四秋月欲上弦頻顧兒
星傳渡渚笑牽牛緱山羽駕何年別玉女華礎昨夜收
莫道人間齊乞巧偏餘拙宦在中州

登禹王臺

日霽天高秋氣清層軒四望與雲平東南草樹迷梁苑
西北樓臺枕汴城塔影近連雙樹色人烟遙度午雞聲
偶因出郭閒流覽千載神功愜遠情

雨後望太行山

薄暮初晴盼遠邱千巖萬壑望中收雲橫晉國三分地

雨洗其城百尺樓
霽色遙連盤谷窾
泉聲潛渡竹林秋
晚看燈影過山麓
寶刹金光象外幽

少林寺二首

梵宇初開後魏緣
頓教西竺到中天
神僧影透千年石
古洞雲生九頂蓮
自入隋唐爭好武
初無文字但參禪
吾徒也有安心法
立雪能如斷臂堅

巖巖嵯峨六六峯
蕭森古寺隱靈蹤
三花日永雙株桂
五乳泉香萬樹松
碧落晴空嵐靄合
丹崖秋色谷雲封
西歸隻履原無事
爲甚紛紛說五宗

